

Arne og Mariann Kjeilen  
Vikavegen 58  
5956 HUNDVIN

Referanser:  
Dykker:  
Vår: 14/3279 - 14/18199

Saksbehandlar:  
Anne Lise Molvik  
anne.lise.molvik@lindas.kommune.no

Dato:  
14.08.2014

## Utsleppsløyve - nytt våningshus på gbnr 51/2 Seljelid.

### **Administrativt vedtak. Saknr:**

**Tiltakshavar:** Marianne og Arne Kjeilen  
**Ansvarleg søker:** Kaland Trelast AS  
**Type utslepp :** Sanitært avløpsvatn med utslepp mindre enn 50 pe  
**Søknadstype:** Forureiningslova § 11, jf. forureiningsforskrifta § 12-5.

### **SAKSUTGREIING:**

#### **Tiltak**

Saka gjeld søknaden om utsleppsløyve i samband med søknad om oppføring av nytt våningshus med ei bueining på gbnr 51/2, jf revidert søknad om løyve til tiltak mottatt 04.07.2014.

Avlaupet skal reinsast i biologisk/kjemisk reinseanlegg av typen Biovac før avlaupet vert ført vidare til jordbruksgrøft. ( jf samtale med tiltakshavar).

Storleiken til utsleppet er opplyst til 10 pe.

Det vert elles vist til søknad mottatt 01.04.2014.

#### **Planstatus**

Eigedomen ligg i uregulert område innanfor det som i kommuneplanen 2011-2023 er avsett til LNF-føremål. Søknaden er vurdert å vera i samsvar med plan.

#### **Nabovarsel**

Tiltaket er varslet som del av byggjesaka. Det ligg ikkje føre nabomerknader.

#### **Plassering**



Plassering er vist på situasjonsplan datert 06.03.2014. Avlaupet frå anlegget skal førast til kistegrøft, jf opplysningar gjeve av tiltakshavar.

### **Reinseløsing**

Det skal nyttast biologisk/kjemisk reinseanlegg av typen Biovac FD 10 N for nedgraving. Anlegget tilfredsstiller NS EN-12566-3. Omsøkte renseløsing stettar krav til utsleppsstad i følsamt/normalt område med brukarinteresser.

### **Privatrettslege tilhøve**

Anlegget skal plasserast på tiltakshavar sin eigedom og er ikkje avhengig av privatrettslege løyve.

### **Drift og vedlikehald**

Det ligg føre serviceavtale for drift- og vedlikehald av anlegget.

### **Naturmangfaldlova**

Kommunen har vurdert prinsippa i §§ 8-12 i naturmangfaldlova. Ein har mellom anna sjekka det aktuelle arealet i [www.naturbasen.no](http://www.naturbasen.no) og [www.artsdatabanken.no](http://www.artsdatabanken.no). Det er registrert ein lokalitet i Vikavatnet i artsdatabanken. Kommunen vurderer at omsøkte utsleppsløyve ikkje kjem i konflikt med denne lokaliteten eller dei omsyna naturmangfaldlova elles skal ivareta.

### **Godkjenning etter anna lovverk**

Etablering av avlaupsanlegget krev løyve til tiltak etter plan- og bygningslova § 20-1. Tiltaket er søkt om vert handsama som del av søknad om løyve til oppføring av nytt våningshus.

### **VURDERING**

Søknaden om utsleppsløyve kan etter kommunen si vurdering godkjennast slik den ligg føre på vilkår som skildra i vedtaket.

### **VEDTAK:**

**Kommunen gjev i samsvar med Forskrift om begrensing av forurensing, kap 12, utsleppsløyve for nytt våningshus, inntil 10 pe, i samsvar med søknad mottatt 01.04.2014 og på følgjande vilkår:**

- **Avlaupet skal reinast i biologisk/kjemiskt reinseanlegg før det vert ført vidare til eksisterande kistegrøft på eigedomen.**
- **Anlegget skal plasserast slik vist på kart datert 06.03.2014.**
- **Reinseanlegget skal plasserast slik at det kan vedlikehaldast og driftast av godkjend føretak.**
- **Arbeidet med etablering av anlegget kan ikkje ta til før naudsynt løyve til tiltak etter plan- og bygningslova ligg føre.**
- **Eigedomen skal knytast til offentleg godkjend avlaupsleidning eller anna fellesleidning dersom slike vert ført fram til området og kommunen set krav om det.**

## **Mynde**

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

## **Klage**

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagat på i vedtaket, og kva endringar ein ønskjer. Klagen skal grunngjenvært.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

## **Ansvar**

Anleggseigar er ansvarleg for at alt arbeid følgjer føresegner gjeve i eller i medhald av forureiningslova og plan- og bygningslova. Om søknaden er i strid med offentlege føresegner, gjeld føresegnehene føre løyvet. Vedtak etter forureiningslova inneberer ikkje avgjerd i privatrettslege tilhøve.

## **Bortfall av løyve**

Er arbeidet med etablering av avløpsanlegget ikkje sett i verk innan tre år etter at løyve er gitt, eller innstillast arbeidet i lengre tid enn to år, faller retten til å etablere utsleppet bort. Om utslepp framleis er aktuelt må ny søknad sendast inn, jf. forureiningsforskrifta § 12-5, fjerde ledd.

## **Ferdigstilling**

Når arbeidet med etablering av avløpsanlegget er ferdigstilt skal den ansvarlege for arbeidet skriftleg melde i frå til kommunen at anlegget er etablert og arbeidet utført i samsvar med dette løyvet. Samstundes skal det senast inn stadfesting for montering frå det føretaket som har levert anlegget, og serviceavtale for drift og vedlikehald.

Plassering av anlegg, samt leidningsanlegg med kummar, knekkpunkt og utsleppspunkt skal innmålast og koordinatar skal sendast kommunen, seinast ved førespurnad om mellombels bruksløyve/ferdigattest.

Anlegget eller nokon del av det kan ikkje takast i bruk før det ligg mellombels bruksløyve eller ferdigattest etter plan- og bygningslova.

## **Tilsyn, endring og opphøyr av løyvet**

Kommunen er forureiningsstyresmak og fører tilsyn med at føresegner, lovverk og vedtak fatta i tråd med forureiningsforskrifta kapittel 12 vert følgd. Forureiningsstyresmakta har rett og plikt til å utføra tilsyn med avlaupsanlegga. Tilsynet vil kunna omfatta kontroll av anlegg si yting/funksjon og kontroll av kvalitet på utført sørvis og vedlikehald. Eigar av anlegget må dekke kostnad knytt til tilsyn og kontroll, jf. forureiningslova kap.7.

Om utsleppet fører til uventa forureiningsproblem, kan forureiningsstyresmakta oppheve eller endre vilkåra i utsleppsløyvet, sette nye vilkår og om naudsynt kalle tilbake løyvet i samsvar med forureiningslova § 18, jf. forureiningsforskrifta § 12-14.

## **GEBYR**

Med heimel i plan- og bygningslova § 33-1 og Lokal forskrift om gebyr for teknisk forvaltningsteneste vert det følgjande gebyr i saka:

Kode	Skildring	Tal	Sum
17.2.3A	Utslepp < 50 pe (kap 12)	1	Kr 5 300,-
	Totalt gebyr å betala		Kr 5 300,-

## Klage over gebyr

Gebyr for teknisk forvaltingsteneste er fastsett ved forskrift. Det er ikkje høve til å klage over ei forskrift, jf. forvaltningslova §§ 3, 28 og 40. Det kan difor ikkje klagast over at det vert kravd gebyr, eller over storleiken på gebyret. Det kan klagast over kva punkt i regulativet gebyret er rekna ut i frå. Klage skal vere grunngjeven.

Ved all vidare kontakt i denne saka, ver venleg og referer til saknr.: 14/3279.

Med helsing

Siril Therese Sylt  
konst. fagleiar

Anne Lise Molvik  
rådgjevar

Dette dokumentet er elektronisk godkjent og har difor ingen signatur.

## Kopi til:

Kaland Trelast AS Keilevegen 45 5953 FONNES

## Mottakrar:

Arne og Mariann Kieilen Vikavegen 58 5956 HUNDVIN